



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XXXVIII. Nicolaus Carraciolvs Neapolitanus.

[urn:nbn:de:hbz:466:1-72633](#)

No. XXXVIII.

NICOLAUS CARRACIOLVS NEAPOLITANUS.

Nicolaus tit. Sancti Martini in Montibus, Cardinalis Carraciolus Neapolitanus, Cardinalis Nicolaus nuncupatus, Archiepiscopus Capuae, natus est An. 1658. 8. Novembris ex jam celebrata, & iterum iterumque celebrandâ Illustrissimâ Carraciolorum Familiâ, quæ cùm ortum ducat in Regno Neapolitano, insignibus meritis Christianam Rempublicam complexa est universam. Petrus Carraciolus Gregorii & Landolphi pater erat, qui Rosfiorum & Pisquitiorum celeberrimam stirpem XII. Sæculo inchoârant. Joannes & Ligorius Carracioli Sæculo XII, apud Fridericum II. Romanorum Imperatorem, eundémque Neapolitanorum Regem gratiâ & autoritate omnia poterant. Sed quâm luctuosos casus supervixerant! Fridericum Tarenti Manfredus filius nothus Anno 1250. in lecto suffocaverat. Mox Conradum, Friderici legitimum filium, idem ex pellice natus Manfredus Anno 1254. sustulerat. Postea Manfredus, quâ vi, quâ dolo utriusque Siciliæ An. 1255. se Regem constituebat, postquam insigni mendacio populum dementaverat, Conradinum Suevæ Ducem, ad quem Regni Neapolitani possessio, patre Conrado extincto spectabat, è vivis sublatum. Idem Manfredus, pestis Italiæ, Saracenos induxit, ut agrum Picenum Pontifici adimerent. Hinc Urbanus IV. Pontifex Carolum Comitem Andegavensem, eundémque Divi Ludovici fratrem, Siculo Regno oblatum, adversus Manfredum in Regnum Neapolitanum An. 1263. invitabat. Res exitum sortiebatur An. 1265, sub Clemente IV. à quô Carolus evocatus, triginta triremibus Massiliâ solvens, Romam deferebatur; ubi in Aede Laterana, ipso die Epiphaniæ anni sequentis, Rex Siciliæ & Hyerosolymarum designabatur, imposito vêtegali 40. millium aureorum, in singulos annos Pontifici numerandorum; sed optimus ceteroquin Pontifex in eo errare visus, quod Conradinum Conradi filium, qui in Germaniâ per ætatem nondum aptus ad gubernandum agebat, exclusisset. Carolus quidem cum exercitu Româ digressus, Anno 1266. uno, nobilique prælio ad Beneventum die 3. Febr. adversus Manfredum vîtor, & regni possessor evaserat; sed Conradinus Suevus, numero ex exercitu ex Gibellinis contracto, in Andegavensem, avitum suum jus asserturus, movebat. Ad Fucinum lacum anno 1268. decretoria pugna comittebatur: cùm tribus horis certatum fuisset, Carolus ex insidiis Conradinum juvenem, animo præfidentem, adortus (nam solutis jam ordinibus pro victore se gerebat) clarissimum tulerat victoriam, Conradino ex fuga (nam ex annulo cognoscetur) retracto, & in secali pegmate An. 1269. cum Friderico Cognato Austriae Principe, stupente Neapoli, decollato. Sic Lumen Suevæ extinctum jacuit; & una antiqua Suevorum gloria tumulari visa. Conradinus chirothecam, manu detractam, cui signatorium nullum suum incluserat, Truchsessio Waldenburgico Germano tradiderat, admonito, ut hoc ultimum amicitiae pignus Petro Arragoniæ Regi deferret, quem Regni Neapolitani pro se hæredem, & indignæ necis suæ vindicem, ejusdem traditione annuli, designaret. Truchsessius inter tumultum elapsus, Regni spe Arragonium, ocyus implebat. Enimvero Petrus, Joanne Prochytae olim Domino instigante, qui ut dolus felicius succederet, morionem se simulabat, statuerat

rat Neapolitanum regnum vi aut fraude recuperare. Fraus prior intervenerat; nam Joanne à Prochyta impulsore, Messanæ, Panormique ingens conspiratio facta adversus Gallos: igitur An. 1282. ipso die Christo Resurgentí Sacro, sicuti signo vespertini Officii dato, ex composito arma capiebant, Francosque omnes nullo ætatis, sexusve discrimine, occisione occidebant; hinc siculæ Vesperæ in proverbium abiēre, funesta victis, viduatæ Suevia datæ Victimæ. Ann. 1287. Rex Hispanus Carolum Claudum, Caroli Andegavensis filium juvenem, haud secus ac Conradinus paulò antea fuerat, juvenili fiduciâ elatum, haud procul Neapolii ad certamen eliciebat, eumque navalí proelio victum ceperat; hinc Carolo Claudio, Andegavensium per Neapolim Imperium claudicare visum: iñdò parùm absuit, quin in ferali pegmate Socius Conradino Carolus superadditus fuisset, nisi Constantia Petri Uxor ad mitiora consilia cupidum vindictæ maritum traduxisset. Luctuosis iis temporibus pariter vivebat Bernardinus Carraciolum, Archiepiscopus Neapolitanus, qui eam Patriæ suæ deplorandam tragediam tristissimus aspiciebat. Sæculo XIV. Sacrae Romanæ Ecclesiæ Cardinalis viguit Nicolaus Carraciolum. Sæculo XV. secundus ex Illustrissima hac Familia Cardinalis accedebat Conradus Carraciolum. Joannes Carraciolum in Aulâ Joannæ II. Neapolitanorum Reginæ, tam gratiâ potens erat, ut gravissima regni negotia per se ipse tractaret. Habebat in aulâ æmulum Sphorza; prout magnæ fortunæ non minor plerumque invidia intercedit. Certè Sphorza aulicis artibus adversus Carraciolum diu noctuque concertabat. Cùm Joanna improles esset, pro Alfonso Arragonio Carraciolum, pro Ludovico Andegavensi Sphorza stabat. Joanna primùm Carracioli secuta consilium, hæreditatis certum Arragonium volebat; postea inconstantia muliebri à prioribus promissis resiliens, Andegavensem amplectebatur. Hinc impotens fœmina, cujus etiam effusam libidinem Carraciolum tolerare non poterat, indicta causâ Virum innocentissimum A. 1434. iñfissis Sicariis, mense Augusto, interficiebat. Carolus Andreas Carraciolum natus An. 1483. sago præclarus evasit. Primam ætatem in castris posuit. In Africam translatus, rem adversus Mauros strenuè gessit. Inde classe Hispanica in Brasiliam ibat, ut nulla pars orbis esset, quam nominis sui famâ non impleret. Ex Indiâ redux, An. 1634. cum Ferdinando Austriaco Cardinale Infante in Germaniam venerat, afflictis Catholicorum rebus auxilium latus. Post occupatam Ratisbonam Nordlinga circuansidebatur. Sueci suppetias importaturi, propius urbem movebant. Mox atrox acies comittebatur, quâ Sueci memorabili victoriâ profligabantur. Cæsorum Suecorum sex millia æstimabantur, quos inter Fridericus Anspacensis Marchio erat. Gustavus Hornius, & Crazius Bavariæ militiæ desertor cum quatuordecim legionum tribunis capiebantur: Bernardus Dux Vinariensis, qui author pugnæ fuerat, cum parte equitatus saucins evaserat. Impedimentorum magnus numerus, & bellicum omne Instrumentum, in quo octoginta majora tormenta fuere, in potestatem viatorum pervenerat. Non modò Nordlinga Victoriae præmium acceperat; verùm etiam Augusta Vindelicorum An. 1635. ad extremam cibariorum inopiam redacta, in Cæfareorum potestatem pervenerat: fama est, adeò in obsidione illa famem invaluisse, ut ab humana carne pauperes quidam non abstinuerint: Inde etiam Pax Pragensis inter Imperatorem & Electorem Saxoniam 30. Maij concludebatur, Suecis ad extreum Baltic maris angulum rejectis, cum quibus indubie debellatum fuisset, nisi Gallia, Sueciæ paulò post juncta, patentem hiatum supplevisset, & Pacem Monasteriensem opus suum fecisset. En quantum Andreas Carolus Carraciolum Germaniæ præstiterit, qui pedestrem aciem in famoso illo Nordlingano proelio, Hispanicarum partium inclitus Archistrategus moderabatur. An. 1636. Is ipse Valentiam urbem, ad Padum sitam, rejecto inde Crecquo Gallorum Duce obsidione liberaverat:

verat: An. 1638. Fuentarabiam validam Biscajæ urbem, à Gallis obfessam, in auxiliis, servaverat. An 1639. Salsulas (Salses) validissimum portum Comitatus Ruscinonensis, pro Hispano recuperabat. An. 1641. urbem Barcinensem, quæ ad Gallos defecrat, obsidione premebat; verùm in ejus obsidione urbis filio amissio, consolatoriam ab ipso Rege epistolam accipiebat. Inde summam armorum præfecturam per Comitatum Ruscinonensem, Catalonia, Lusitaniam & Regnum Neapolitanum, ut suæ patriæ propior prodeisset, consequebatur. Statim Orbitellum maritimam urbem, in Statu, ut vocant, Præsidii sitam, fugatis gallis, & milite importato recreavit. Huic per omnia similis existit (nisi quod diversas partes sequebatur) Joannes Carraciolus, Princeps Melphitanus. Is Anno 1512. cruento proelio intererat, quod inter Pontificias Julii II. copias & Gallorum exercitum æquata ferè utrinque strage (XXX. millia cæsa fuisse constat) coenitiebatur. Anno 1536. in Provinciâ Gallorum Ductor erat, quando Carolus V. Aquas Sextias, non longè à Massiliâ, exercitum duxerat; sed Regis Francisci exercitus, præcluso ulteriore aditu, & comeatu etiam in Cæsareanorum castra impedito, trans Alpes Carolum rejecerat. A. 1543. Lucemburgum subsidiis firmavit, & Landresium pro Gallis afferuit. Postea in Ducatu Pedemontiaco Gallico exercitui cum summa potestate prærerat; & salubre Galliæ opus præstitit, cum collapsam militarem disciplinam magna ex parte restitueret; quam utinam Gallia servasset; nec tractus Rhenanus tot incendiis & foedis depopulationibus squallaret. In acie inter Alpes ad Carignanum 14. Aprilis Anno 1544. commissa, ubi Franciscus iterum memorabilem victoriam retulerat, fusis Cæsareanorum viginti milibus, suum Carraciolus filium, Trajanum nomine, amiserat. Ipse penè Septuagarius Susæ, suis viatoriis, paulò post inter mortuus est. Qualis fuit Marinus Carraciolus, meritis suis adeptus, ut tertius esset, qui ex Carraciolis Sacram Purpuram obtinuerat. Is anno 1515. à Maximiliano Sphortia Mediolanensem Duce ad Concilium Lateranense alegabatur. Cùm suam Leoni X. affatim probâsse prudentiam, cum Aleandro ad Carolum V. in Germaniam alegabatur, ut Sedis Apostolicae adversus Lutherum in comitiis Wormatiâ indicatis, causam sustineret, ejusque proscriptionis edictum perurgeret. Minaces in Cæsarem & Electores Seretrii tunc literas spargebant, quibus bella necemque intentabant eam damnationem urgentibus, jactabantque, jam nobilium in armis stare quadringtonos, qui ejusmodi Sententia ferenda præstolarentur exitum; cùmque ad id nuntium Moguntinus conceperet formidinem, Carolus Cæsar ad illum versus, animosè subjiciebat. *Mutum olim jactasse in castris Porsene, trecentos suorum esse, cùm solus veniret: videri has umbras, quæ non sunt metuenda.* Ex illo tempore Marinus Carraciolus tam charus Carolo esse coepérat, ut ad sua traductum ministeria, ad Angliæ Regem Henricum VIII. & Venetos Legatum mitteret. Postea Franciscum Sphortiam Cæsari reconciliaverat, quo beneficio devictus Sphortia Carraciolum Galera Comitem dixit. A Carolo Episcopatum Catanensem in Siculo Regno Ann. 1524. obtinuerat, in quo fratrem Successorem habuit. Ann. 1535. in Purpuræ honorem venerat. Ducatu Mediolanensi, morte Francisci Sphortiæ, Ducum ultimi, ad Imperium revoluto, Mediolanensem Prorex à Carolo nuncupabatur, ubi etiam devixit Ann. 1538. novem & sexaginta annos natus. Richardus Carraciolus Ann. 1383. ab Urbano VI. adversus Joannem Ferdinandum de Heredia, qui Clementi VI. antipapæ adhæserat, nuncupabatur. Innicus Carraciolus Teloniorum, annonæque in urbe Romana Præses, eo quidem tempore, quo orbem & Romam Contagiosa lues, frumentaria, ac vinearia, oleariaque caritas premebant, præsidis tamen studio, vigilantiâ, atque industriâ efficit, ut in Urbe rerum omnium affluentia, & annonaë vilitas incredibilis afulgeret; is quartam Purpuram in Illustrissimam Carraciolorum Familiam Anno 1655. intulit. His tot, tamque præclaris Togâ sagisque Viris nostra hac ætate accedunt.

gemi-

gemina sydera Innicus & Nicolaus Carracioli, Cœlum Neapolitanum suo fulgore illustratura. De Innico Carraciolo dictum N. XXXVI. Nicolaus Carraciolus Princeps disertissimus est, vigore ingenii & animi celeberrimus; Jutitiae cum tribus & ultra annis Vicarium Urbis gereret, tenacissimus: Profusus in Pauperes, ut titulo Sancti Martini non frustra indigitatum intelligas; aut cum communī vocabulo Nicolaum nuncupent, ejus Divi in Episcopatu Castitatem, Gravitatem, Orationis Assiduitatem, Vigilias, Abstinentiam, Liberalitatem, & Hospitalitatem, in adhortando Mansuetudinem, in reprehendendo Severitatem perpetuò adhibet: ex brev. Cum Nuntius Pontificius Anno 1700. ad Magnum Hetruriæ Ducem Cosmum alegatus fuisset, ei Principi, Literarum & Literatorum amantissimo tantum in amoribus erat, ut Carraciolus Arcem animi ejus teneret; nec minus Clemens XI. expertam Carracioli Sapientiam tantum aestimabat, ut inter primas Sacri Regiminis curas haberet, tantas do-tes in gloriæ solium elevatas, statim intueri. Hinc Capuæ Archiepiscopum Anno 1701. statim denominabat. Hæc Capua ex Campaniæ olim Urbibus prima erat, æmula Romæ, atque ob id ipsum perdita. Samnitium quidam, Livio teste, in Societatem urbis, agrorumque recepti, festo die gravatos somno epulisque incolas veteres, novi coloni occiderant, urbemque occupaverant. Anibal Carthaginensium Dux eam urbem longè per orbem famosissimam reddidit. Is Anno 3786. ab orbe condito primus omnium per Alpes viam sibi in Italiam munivit. Primum Pugnatum erat ad Urbem Ticinum, deleto cum exercitu Cornelio Scipione, quem Scipio filius adolescentulus, postea Africanus datus, ægrè servaverat: Secunda acies comittebatur ad lacum Trasymenum, ubi C. Flaminus Romanorum Consul iterum cum exercitu cædebatur: Tertia clades à Romanis ad Cannas Apuliæ vicum accipiebatur, ubi amplius XLV. ci-um Romanorum millia cæsa: In his Æmilius Paulus Consul & Senatores LXXX. Equitum multitudo tanta, ut aureorum annulorum modius, Carthaginem mitteretur. Actum tunc erat de Roma, orbis Dominâ, si Hannibal scivisset uti vi-ctoriâ; cum Romæ etiam prætextatos & servos necessitas armasset. Capua & magna Italiæ pars ad Annibalem defecerant. Sed Capuæ ille Cannas inveniebat; nam ubi Annibalis virtus Campaniæ delitiae emollita fuisset, à Scipionibus doctus est, vinci posse; Capua etiam à Romanis acerrima obsidione expugnabatur. 80. Principes è Senatorio ordine interfici, 300. nobiles in carcere conditi, ac multitudo civium venumdata; at propter agri fertilitatem urbs servata fuerat, ut esset aratorum sedes. Postea à Genserico Vandalorum Rege, & post eum à Longobardis debelatur, à quibus Nova Capua ad Vulturnum amne ex veteris ruinis altero ab illis lapide, seu duorum amplius passuum milibus exstructa. Archiepiscopatus à Joanne IV. Pontifice Maximo An. 968. fundatus erat. Eum Eminentissimus Purpuratus Nicolaus Carraciolus, eâ Pastoralium Virtutum commendatione administrat, ut Capuam suam, Carthaginensium aliquando corruptelam, novas Campaniæ delitias, Orthodoxi Orbis Delitiae ipsem, afficiat; & si Capua pro Aratoribus aliquando à Romanis servata est, Carraciolus enimverò plantat, rigat, Deo incrementum dante; de cuius Religiosissimo zelo hoc etiam constat, quod Anno 1722. duos Anglos, qui generosos ex Angliâ equos Neapolim vendituri ducebant, cum subito gravissima morbi vi Capuæ corriperentur, & ultima instarent, efficacissimis adhortationibus, Catholicos effecerit, meliorem quæstum non facturos, quam cum Cœlum, felici metamorphosi ex Anglis in Angelos, uti speratur, transformati, lucrificarent.